

cundis figuris, & retineo 2. Post hæc accedo ad tertias figuras, vbi ex 2. ( quam figuram retinueram ) & 8. fiunt 10. addo 7. fiunt 17. addo 9. fiunt 26. addo 6. fiunt 32. Pono ergo 2. subtertijs figuris, & retineo 3. Rursus in quartis figuris, ex 3. ( quæ figura retenta erat ) & 6. fiunt 9. addo 8. fiunt 17. addo 0. fiunt 17. Pono ergo 7. sub quartis figuris, & seruo 1. quam addo quintis figuris, efficioque 7. Pono igitur 7. sub dictis figuris, & nihil reseruo. Postremo quia in ultimo loco sola hæc figura 7. reperitur, pono eam sub linea, absolutaque erit additio. Quemadmodum autem figuras numerorum addendorum inter se addidimus ab inferioribus versus superiores ascendendo, ita quoque colligi possunt in unam summam, si à superioribus versus inferiores descendatur.

Quid faciendum sit, quando ex figuris unius loci colligitur numerus tribus figuris scribendus.

Quod si quando ex additione figurarum unius loci excreuerit numerus	6008
tribus figuris scribendus	5009
ponenda erit prima figura sub illo loco, & reliquæ duæ figuris sequentium locorum addendæ, prima videlicet earum figuris proximi loci, & secunda figuris alterius loci : aut certe	4009
numerus duabus illis figuris retentis expressus	308
sequentis loci figuris addendus. Ut in apposito exemplo, quoniam ex primis figuris colligitur	239
	108
	108
	309
	4128
	3009
	209
	308
	—
	23752